



Fegl d'infurmaziun davart las prestaziuns en cas d'in mortori

1 Basas giuridicas e directives

- Art. 7 da la constituziun federala da la confederaziun svizra (Cst.; CS 101)
- Art. 2 al. 1 ed art. 3 al. 2 lit. g da la lescha federala davart la competenzaza per il sustegn da persunas basegnusas (lescha federala da sustegn, LSus; CS 851.1)
- Art. 1 al. 3 lit. g da la lescha davart il sustegn da persunas basegnusas (lescha chantunala da sustegn; DG 546.250)
- Art. 6 al. 2 lit. h da la lescha davart la protecziun da la sanadad en il chantun Grischun (lescha da sanadad; DG 500.000)

2 Situaziun da partenza

Tenor l'art. 7 Cst. è la dignitad da l'uman da respectar e da proteger. En il rom da ses dretg da respect da la dignitad umana ha la persuna defuncta il dretg d'ina sepultura decenta, particularmain er sch'ella è morta senza facultad. Cun l'art. 53 al. 2 dal veglia constituziun federala èn ils fatgs da sepultura vegnids surdads a las autoritads civilas (betg ecclesiasticas), q.v.d. a las vischnancas da domicil. A medem temp han ellas survegnì l'obligaziun da procurar per ina sepultura decenta da tut ils umans. En cas da persunas senza facultad han ellas uschia survegnì l'obligaziun da surpigliar, sche necessari, ils custs da sepultura. Quests custs èn vegnids pajads dal cumenzament ennà or da meds finanzials generals. Sco custs da sepultura ston vegnir considerads tut ils custs che resultan d'ina sepultura decenta en in lieu da sepultura uffizial (santeri) dal lieu da domicil u dal lieu da la mort. Co ch'ils fatgs da sepultura èn reglads en il cas concret, vegn ins a savair tar la respectiva vischnanca da domicil civil da la persuna defuncta, perquai che – tenor l'art. 6 al. 2 lit. h da la lescha da sanadad – las vischnancas èn responsablas per ils fatgs da sepultura.

Perquai che l'agid social serva – per definiziun – a garantir adequatamain l'existenza, pia perquai ch'el duai pussibilitar ina vita en dignitad umana, è il champ d'applicaziun da l'agid social limità classicamain a las persunas en vita. Tenor l'art. 2 al. 1 LSus è ina persuna basegnusa, sch'ella n'è betg en il cas da garantir suffizientamain u a temp per ses custs da viver or d'agens meds finanzials. Correspondentamain na vala – tenor l'art. 3 al. 2 lit. g LSus sco er tenor l'art. 1 al. 3 lit. g da la lescha chantunala da sustegn – il fatg da surpigliar ils custs da sepultura explicitamain betg sco sustegn.

3 Recumandaziun

L'uffizi chantunal dal servetsch social ha elavurà la suandanta recumandaziun per garantir en il chantun ina pratica uschè unitara sco pussaivel, sch'i sa tracta da surpigliar prestaziuns en connex cun in mortori.

3.1 Custs che resultan avant il di da la mort

Ils quints per custs ch'èn resultads avant il di da la mort e che l'autorità d'agid social ha acceptà da surpigliar, ma che vegnan consegnads pir suenter il di da la mort, ston vegnir surpigliads da l'autorità d'agid social.

Il quint final dals ospitals e dals medis sco er las pretensiuns, per las qualas è vegnida prestada expressivamain ina garanzia, ston vegnir pajads. Eventualas dumondas da restituziun, premias da l'assicuranza da malsauns sco er premias d'assicuranza fa l'autorità d'agid social valair envers l'assicuranza da malsauns u envers la massa ereditara. Garanzias da surpigliar ils custs, per las qualas i n'è betg fixà ch'ellas s'extinguian cun la mort da la persuna sustegnida, ston vegnir revocadas da l'autorità d'agid social.

3.2 Custs che resultan suenter il di da la mort

Ils custs da sepultura na vegnan betg quintads giu sur l'agid social (cf. art. 1 al. 3 lit. g da la lescha chantunala da sustegn). Il quint sto vegnir pajà dal post ch'è responsabel per ils fatgs da sepultura.

3.3 Custs che resultan suenter il di da la mort per personas parentas

A la mort da conjugals, da partenaris da vita, d'uffants, da geniturs u da fragliuns vegni recumandà che l'autorità d'agid social concedia a personas sustegnidas tenor il dretg d'agid social – en il rom da prestaziuns liadas a la situaziun – ina contribuziun als custs che resultan (custs da viadi, flurs e.u.v.).

Istorgia da las versiuns dals documents

Manual	Data	Versiun	Motiv da la midada / remartga
Chapitel B	4 d'avrigl 2019	1.0	Emprima versiun
Chapitel B	29 da matg 2019	1.1	Adattaziun dal layout